

顏魯公文集



顏魯公文集

錫山安國刊

卷之七

碑

郭公廟碑銘

昔申伯翰周降神於維嶽仲父匡晉演慶於筮淮而
猶見美詩人騰芳史冊豈比夫神明積高之壤百二
懸隔之都三峯發地而削成九派浮天而噴激炳靈
毓粹奕葉生賢括宇宙而稟和總河山而蘊秀莫與
京者其惟郭宗乎其先蓋出周之虢叔虢或爲郭因

而氏焉代爲太原著姓漢有光祿大夫廣德生孟儒
爲馮翊太守子孫始自太原家焉後轉徙于華山之
下故一族今爲華州鄭縣人夫其築臺見師瘞子致
養家承金穴之貴政有露冕之高或哲或謀或肅或
乂皆海有珠而鳥有鳳也閭閻之盛其流益光隋有
金州司倉諱履球府君懋其德輝不屑下位克已復
禮州邦化焉篤生唐涼州司法諱昶府君能世其業
以伸其道遠近宗之不隕厥問生美原縣主簿贈兵
部尚書諱通府君清識澈照博綜羣言始登王畿鬱
有佳稱道悠運促靡及貴仕垂于後昆沒而見尊是

生我諱敬之府君府君幼而好仁長有全德身長八尺二寸行中絜矩聲如洪鍾河目電照虬鬚蝟磔進退閑雅望之若神以仲由之事兼翁歸之文武始自涪州錄事參軍轉瓜州司倉雍北府右果毅加遊擊將軍申王府典軍金吾府折衝兼左衛長上原州別駕遷扶州刺史未上除左威衛左郎將兼監牧南使渭吉二州刺史侍中牛仙客薨君清節奏授綏州遷壽州累加中大夫策勲上柱國以天寶三載春正月十日遘疾終于京師常樂坊之私第春秋七十有八乾元三年春二月以公之寶胤開府儀同三司司

徒兼中書令柱國汾陽郡王曰子儀有大勲于王室
乃下詔曰故中大夫壽州刺史郭敬之果君子之行
毓達人之德才光文武政美中和生此大賢爲我良
弼頃以孽胡作亂黔首懼殃朕於是鬱興神武之師
克掃攬搶之氣而子儀帥彼勁卒赫然先驅取京洛
如拾遺剪凶殘猶振槁功存社稷澤潤生人是用寵
洽哀榮義申存歿可贈太保於戲府君體含弘之素
履秉冲邈之高烈言必主於忠信行不違於直方清
白爲吏者之師死生敦交友之分端一之操不以夷
險槩其懷堅明之姿不以雪霜易其令用情不間於

疎遠泛愛莫遺於賤貧拳拳服膺終始靡二故所居
則化所去見思人到于今稱之斯不朽矣傳曰德盛
必百代祀其有後也宜哉恭惟令公先皇之佐命臣
也少而美秀長而壞偉姿性質直天然孝悌寬仁無
比騎射絕倫所蒞以清白見稱居常以經濟自命弱
冠以邦鄉之賦驟膺將帥之舉四擢高第有聲前朝
三爲將軍再守大郡累典兵要必聞休績天寶末安
祿山反于范陽令公以節度使擁朔方之衆圍高秀
巖于雲中破史思明于嘉山先帝之幸朔方赴行在
於靈武擊同羅于河曲走崔乾祐于蒲坂今上之爲

元帥也首副旄鉞會迴訖于扶風摧亮寇于洸水追
餘孽于陝服長驅河洛弼成睿圖再造生靈克清天
步又函夏之未乂安天下之未安一年之間區宇大
定不休哉徒觀真元和降精間氣生德感星辰而作
輔應期運以濟時忠於國而孝於家威可畏而儀可
象盛德繫物寬身厚下用人由己從善如流沉謀祕
於鬼神精義貫於天地推赤誠而許國蹈白刃以率
先霆擊於雲雷之初鷹揚於廟堂之上大凡二曆鼎
司兩升都座四作元帥九年中書歷事三聖而厥德
維懋易相二十而受遇益深蓋尅復上都者再戡定

東京者一其餘麾城擻邑得雋摧鋒亦非遽數之所
周也信可謂王國之號虎生人之蔭庥者歟非太保
之邁種不孤則何以鍾美若是况于友于著睦轡龍
虎者十人貽厥有光紆青紫者八九勲庸舉集今古
莫儔昔奮號尊榮紅粟纔霑於萬石憚家全盛朱輪
不出於十人繇我觀之事不侔矣於乎清廟之興所
以仁祖考鴻伐之刻亦以垂子孫爰初制於舊居將
求圖而觀德中堂有仡丕構克崇感霜露而怵惕以
增敘昭穆而敬恭斯在庶乎觀盟顒若旣無斁於永
懷入室優然必有覲乎其位哀榮旣極情禮用申仁

人之所及遠哉孝子之事親終矣豈惟溫溫孔父遠稱饒鼎之銘穆穆魯侯獨美龍旂之祀其詞曰

郭之皇祖肇允號土逮于後昆實守左輔徙華陰兮

其一源長流光施于司倉涼州兵部克熾而昌載德

深兮其二篤生太保允懋厥道神之聽之永錫難老

式如金兮其三於穆令公汾陽啓封文經武緯訓徒

陟空簡帝心兮其四舍一不二格于天地愷悌君子

邦之攸懋昭德陰兮其五芝馥蘭芳羽儀公堂子子

孫孫爲龍爲光鏘璆琳兮其六乃立新廟肅雍允劭

神保是聽孝思孔炤亶居歆兮其七乃立高碑盛美

奚斂日月有旣徽猷永垂映來今兮

其八

廣德二年

歲次甲辰十一月甲午朔二十一日甲寅建

銀青光祿大夫海濮饒房睦台六州刺史上

柱國汲郡開國公康使君神道碑銘

君諱希銑字南金其先出于周武王同母少弟衛康叔封之後也史記云成王長用事舉康叔爲周司寇賜衛寶祭器以彰有德封子康伯支庶有食邑于康者遂以氏焉代爲衛大夫至漢有東郡太守超始居汲郡超之裔孫魏强弩將軍權權生晉虎賁中郎將泰泰生太守威威生蘭陵令奮節將軍翼隨晉元

帝過江爲吳興郡丞因居烏程事見山謙之吳興記
翼生豫章太守鎮鎮生征虜司馬建武將軍欽信欽
信生宋晉熙王兵曹參軍黯黯生南臺高高生齊
驃騎大將軍孟真孟真生梁散騎侍郎僧朗僧朗生
陳給事中五兵尚書宗爲爲山陰令子孫始居會稽
遂爲郡人焉曾祖孝範江夏王府法曹臨海縣令祖
英隋齊騎曹江寧縣令皇朝隨郡王行軍倉曹
父國安明經高第以碩學掌國子監領三館進士教
之策授右典戎衛錄事參軍直崇文館太學助教遷
博士白獸門內供奉崇文館學士贈杭州長史君郎

長史府君之叔子也年十四明經登第補右內率府
胄曹應詞藻宏麗舉甲科拜祕書省校書郎轉左金
吾衛錄事參軍應博通文史舉高第授太府寺主簿
轉丞又應明於政理舉拜洛州河清令加朝散大夫
州司馬德州長史轉定州屬突厥侵君以偏師
抗之遷海州刺史功以勅書賜方岳繡袍一領雜
綵二百段下車未幾詔擇政術尤異者察使奏公恩
制褒異遷濮州加銀青光祿大夫累封汲郡開國公
策勲上柱國轉饒州八爲國子司業以貶房州
轉睦州遷台州所至之邦必聞美政開元初入計至

京抗表請致仕玄宗允許仍三年請歸鄉敕書褒美賜衣一襲并雜綵等仍給傳驛至本州冬十月二十有二日不幸遘疾薨于會稽覺胤里第春秋七十

一夫人陳郡殷氏太子中舍人聞禮之曾孫右清道率令德之孫州錄事參軍子恩之第五女

先天二年封丹陽郡夫人公薨之年歿於東都章善坊私第春秋六十九嗣子朝散大夫婺州司馬襲汲郡公元會稽縣男元瑾宣州司士京兆府奉先尉會稽縣男元瑒朝議郎前獲嘉丞元懷等虔以天寶四載月四日窆于山陰縣籬渚村之先塋卜遠日

而葬合焉禮也嗚呼君負不器之姿包周身之智

且惠慤愿而恭金玉其相敬明其道文意

二

雅所祇政事優

百

所則嘗撰自古以來清白吏

圖四卷仍自爲序贊以見其志宰相黃門侍郎韋承
慶中書舍人馬吉甫等美而同述焉盛行於世赴海
州時君兄德言爲右臺侍御史爲偃師令俱以詞
學擅名時同請歸鄉拜掃朝野榮之與狄仁傑岑義
韋承慶嗣立元懷景姚元崇友善至是咸傾朝同賦
詩以餞之近代未有此比君之四代祖至于大父爲
諸王掾屬者七人歷尚書郎給事中侍御史者二人

君之先君崇文學士府君有文集十卷注駁文選異
義二十卷漢書十卷自述文集二十卷元昆修書
學士顯府君文集十卷撰詞苑麗則二十卷海藏連
珠三十卷累壁十卷姪祕書監集賢院侍講學士
元撰周累義二十卷秀州長史元瓌著于錄
寶典三十卷姪刑部員外郎瓘男美原尉南華撰代
耕心鏡十卷百二十卷君之先君至
南華四代進士登甲科者七人舉明經者一十三人
時門頗盛美矣君之女曰辨惠蓋厓縣令
陝郡長史郃象鉞妻君之孫台州司今戶參軍

歲而卒汾州司田叅軍真弼德州平昌縣令輔旻崇
玄學生曙懷州武陟尉愔宣州南陵尉渭鄉貢明經
緯綸皆修身踐言敦詩悅禮紹承餘訓克稟義方及
君告老鄒自然陳光壁閭丘景陽陶暹送至越州邑
子謝務遷僧陸鑒校書郎陳齊卿恒爲文酒之會論
者休焉恆求舊之

崇乞言之禮天平不愆其恨若

何大曆十一年元瓌

乞願言

刊勒懼沒徽猷求無愧之詞垂不朽之事顧惟未學
曷足當仁銘曰汲公恂恂德懋

多士東南

有筠緝熙代業詞章發身佐軍貔虎典校麒麟三擢

崑玉再司

汭驥展河濬驟貳嘉州錫命

斯頻繡寵方岳榮加摺紳六登洽膠庠

華墓表申

見節文昭友仁懸車告老衣錦

熙神連壁襲懿梓澤齊彬饋醕未濟春濛遽淪朝廷
惋悼遠近悲辛季子象賢恐懼鬱堦鴻伐千秋
不泯

遊擊將軍左領軍衛大將軍兼商州刺史武

關防禦使上柱國歐陽使君神道碑銘

使君諱珪字珪渤海人其先出自帝顓頊高陽氏滿
有歐陽伯和伯和孫高高孫地餘並列儒林晉有堅